


醫學求是

江陰吳東師述著



民國己未仲春重鐫

醫西學求是

江陰
方橋
寶文書莊印行



序

東陽吳君余契友也生平慷慨直不阿於身心
性命之學每致力探本源不隨俗論壯
年病誤於醫產為之廢因憤而習岐黃
術高擁書城旁搜博採積二十餘年雖
其間施治輒效而君恒不以醫自鳴也



乙亥歲五見歸自京師長途勞頓秋
伏暑屢治無效迺君診視而君亦抱恙君
不安名瘍醫韓生囑其診脈視色詳察
病象而走告韓生者余之姻也君既得
悉證情立方辨明病原且將所授藥品分
其氣味求其切中病所韓持方至服兩劑而

沉疴起矣自此與君過從益密間嘗於
緒論觀其方案每治一證必求其病之所
在用法施治幾如洞見肺腑嗣得讀君所
作治暑贅言清辨瀉之不隨俗尚知於斯
道三折肱者今春血症盛行得君施治罔
不霍然余甚神之未匝月君即出所著血



北京中醫藥大學圖書館版權所有

證求原論以示余覺於陰陽升降之理藏
腑經絡之分了徹詳明宜其應手奏效也
君又謂余曰予之為此論也實見夫時俗慣
用滋陰力避溫燥未明剛柔相濟之義故不
惜反覆辯論若此日無言之過激而反生
謗議乎余曰不然昔涸澤作慎疾窮之而自

通曰有謂余專用寒涼攻伐者不知余為
溫補者勸耳君之為此冰為習用滋陰
者勸乎君又恐世之誤以滋陰為概耳因也
又讀書溫暑異治辨一卷雖皆本諸前賢
之說推君之心幾欲躋一世於仁壽之域是
直良相同功也因亟勸其并付之梓而後



數任於生端

光緒己卯閏三月高淳愚弟西銘劉勳拜序

讀本書次與宋爰人

春溫伏暑合刊同看

方不明其利弊



自序

昔成周醫藥之事。統隸天官冢宰。燮理陰陽。以治民病。後世則人自爲學家。自爲師方。書之充棟汗牛者。職是故也。然內經仲景書外。未有無後議者。非相謗也。各有心得。而欲以所得者以濟世也。蓋醫學淵深。軒岐之室。仲景之堂。誠非易入。世之就簡易而畏艱深者常也。若以膚淺之學而臨病。信丹溪而一以滋腎。信東垣而一以理脾。習河間之主火。景岳之扶陽。



北京中醫藥大學圖書館版權所有

而不知諸賢各挾所長而道行道行而名盛名盛則以其心得而著書執其習用之法失於偏而不覺後之學者能取其長而舍其短未始不可也然余謂不誦內經不讀仲景焉能取其長而舍其短哉世罕良醫故俗有不服藥爲中醫之戒病則每求謹慎之師醫者卽習和緩之法平穩之方以逢世而盜名著書而立說不知景岳之書陳修園猶以爲開便易之門俗醫又增平穩養病之方俗眼易明之法貿貿者樂

其淺近而由之。非特長沙之旨。日晦一日。而生民之厄。勢將不可問矣。是不可以不辨也。雖然。四海之大。豈無議及者。余何人斯。不知自藏其拙。而書辨論數則。不厭重複。力訾其疎。豈非不智之甚歟。然余讀陳氏黃氏諸書。見其於內經傷寒。金匱。悉心註解。而於諸賢之說。存其是。而指其非。苦口婆心。以冀昌明斯道。今若漠視後學。習用時方之法。病效於外。而伏於內。使可治而變不治之證。不亦深可痛哉。初學作文。



其道有二。誘其入彀多。熟時文。求明理法。須習先輩。作文。不過求名。而治病。則救命也。余習斯道。知難驟獲。嘗戒子孫。不可業醫。一證不起。引爲已過。心輪一動。寤寐難安。及畧悟其理。似得中流一柱。幽室一鎗。向之戒子孫者。轉以訓子孫矣。或謂余之治驗甚多。何不續登於此。余謂醫不愈病。何以云醫。醫案之刻。每炫其長。而匿其短。有愧於心之作也。章氏陳氏洋洋數十萬言。方按不過數則。緣證情變幻。必欲明辨。

其理此乃不可不書之按也。余說付梓。自知狂妄而招衆議。卽有心是之者。亦不敢引爲知己。惟冀同志之人。精求壺奧。指其疵謬。而起予焉。始遂余之初願也。爰更書名曰求是。以俟之。暨陽東陽氏吳達自序。



南京中医药大学图书馆版权所有

自敘

醫書自靈素難經以下。著述者不一家。家不一種。雖其理則一。而其書有難悟易習之殊。學者恒取其易而舍其難。斯道之所以不明也。陳修園謂景岳書開後學便易之門。學者當先明靈素難經。再究傷寒金匱。溯本窮源。自難而易。誠爲明論。特古文奧衍義蘊宏深。非具明敏之資。一時難窺堂奧。觀洄溪徐氏究傷寒錯亂之由。旣集成書。復鑽窮七載。五易其稿。醫



理之難精也。如是。何怪後之學者。由便易之門入哉。雖然。學問之道。行遠自邇。登高自卑。既由便易而入。尤當推本反始。因流溯源。義理洞然於心。然後旁覽各家。胸有所主。由易之難。再由難之易。惟不畏其難者。乃真得其易也。今之習醫者。何多易易乎。從師一二年。記方數十紙。遂以爲某某高弟。克紹其傳。所云某病用某方者。尙不甚清晰。問其致病之原。用藥之意。則固茫然。或方藥偶中。復沾沾自喜。以爲術不過

趙括徒
讀父書

是語以讀書窮理。更迂緩視之矣。藉祖父餘蔭者。年
日未讀父書。一旦欲傳祖業。執成方數紙。便稱世醫。
甚有一家數病。祇有一方。一日數診。仍係一方者。貽
害良非淺鮮。而其弊皆中於易視也。余也研求數十
載。誠有自易而難。自難而易之境。特未嘗竟以爲易。
偶涉疏虞。一證之來。審其所自。一方之用。決其相宜。
不敢妄語欺人。不肯違心徇俗。海內之大。詎少博通。
熒熒小光。知未遠照。第就耳目所及。覺淺顯平易之



北京中醫藥大學圖書館版權所有

證多誤於庸惡陋劣之方。慘然於心。不忍默然於口。惟望習是業者。毋忽其易。共勉於難也可。

歲在旃蒙作噩余月中澣江陰澹園老人吳達東陽氏自序於春申浦之萍寄廬時年六十有九

